



## Uns Utfohrt in´n Harvst 2011

Leeve plattdüütsche Frünnen,  
wat löpt blots de Tied, nu is dat all wedder so wiet. Us Utfohrt in Harvst steiht vör de Döör.  
Un hier stellt wi jo dat Programm mol vör. Dree Lüüd ut us Vörstand hebbt düsse Tour mit  
veel Möh utarbeit, un dat is dorbi rutkom´n:  
De Fohrt löppt dütmol ünner dat Motto

### „De Schlei vun Schleswig bit Kappeln“

An **Sünnabend**, den **17. September 2011**, geht dat los.

De Bus steiht an Bohnhof Neegroben un föhrt **pünktlich Klock 08:00** los. De Busfohrer föhrt us in Richtung Norden no Schleswig. In Haddeby besichtigt wi dat Wikingermuseum „Haithabu“. För de Führung ward wi in twee Gruppen obdeelt. De een is´n beten sinnier, för de Lüüd, de nich so good to Foot sünd. Achteran föhrt wi no Schleswig-Holm to´n Middageeten in dat Restaurant „Zur Schleimöve“. Hier gifft dat twee Eeten to Utwohl:

**A) Matjes satt, mit Bohnen un Kantüffeln**

**B) Schnitzel satt, mit Bohnen un Kantüffeln**

**To´n Nodisch gifft dat les.**

Nu hebbt wi us verholt, sünd sat un könt de poor Schree to´n Hoben lop´n. Dor tövt all de MS „Förde Princess“ op us. Se bringt us ganz komodig no Ulsnis. De Kaptein ward us allerhand vertellen, un wokeen Lust hett, kann ok sien Roerhus bekieken.

All´ns wat ji op´t Schipp verteehrt, is **nich** in´n Pries mit bin´n!

In Ulsnis tövt all us Bus un bringt us no Kappeln. Hier hebbt wi ca. 1 ½ Stünn Tied, de wunnerbore Stadt antokieken. Dat gifft hier so veel to sehn: De St. Nikolai Kark, de ut de Serie „Der Landarzt“ bekannte Kneipe „Aurora“ un noch allerhand mehr.

No so veel Indrücke freit ji jo bestimmt wedder op to Huus. Dat geht Klock 18:00 in Richtung Heimat. So üm un bi Klock 20:00 sünd wi wedder in Neegoben.

Wenn jo dat Programm gefallt, denn meld jo gau bi´n Klönschnack an un holt jo bi Hannelore Jäkel de Kort´n. Dor schüllt ji ok glieks seg´n, wat ji eeten wüllt.

**Kosten deit dat 45,00 €.**

Wi freit us bannig, wenn de Bus wedder rappelfull ward!

Veele Gröten vun den Vörstand

>> Plattdüütsch leevt << e.V. – Öllermann: Ernst Golsch, Untenburger Stieg 9 – 21147 Hamburg  
Telefon 040/79751573

[Ernst.Golsch@plattdueetsch-leevt.de](mailto:Ernst.Golsch@plattdueetsch-leevt.de)

[www.plattdüütsch-leevt.de](http://www.plattdüütsch-leevt.de)

Hamburger Volksbank ( BLZ 20190003 ) Konto-Nr 34598.413